

✓
Bi92
S⁴F/H/
1640

册	3
卷	3

歷城縣志卷三

邑人葉承宗撰

建置志上

城池 驛舖

封建

公署

里社

衛市

王公設險以守其國君子攸躋以宣其政歷下

名藩嶽峙列署星羅逮夫畫井爲里日中爲市郵舍

稽程祠宇崇祀樓閣美觀棹楔表異橋梁利涉皆

政之大者况兵燹圯廢之餘重新草昧棘恐病民

需復賊事雖時詘未易舉羸然擇可而勞次第就

理以光復舊制曷容緩哉詩曰匪疚匪棘王國來

極旬宣之事也作建置志

城池

郡城形如盆盎雉堞巍峩鯨波環繞天險哉日者
來能上儒者迂計人和當事殫心增築詎知恃
陋不備齊人乃入莒邦疲民以城趙襄不歸長子
但使爲邑中之黔不爲澤門之哲則實墉實壑豈
非虔共之大者哉

城

歷城建自漢歷晉永嘉間從平陵移治於此而城
始大

國朝洪武四年始內外甃以磚石週圍十二里有齊

高三丈二尺濶五丈

成化四年張僉憲璠重修
十九年宋御史經重修萬

曆二十年宋中丞應昌重修天啓五年呂中丞
純如重修崇禎七年朱中丞大典重修崇禎已
卯陷 雉堞傾殘城堞盡圯樓櫓半焚重圍
悉燬今方修築增高三尺言言天險煥然改觀
矣

池

濶五丈深三尺

衆水環縈居然天塹西南高亢則
以二閘蓄焉城北又建利田等四

閘以時蓄泄獨是地近南山秋潦大發旋濬旋
淤且河深廣行坦夷易涉加以頻年亢旱泉源
衰息茫茫巨浸幾埒行潦今方大
事疏濬滔滔汨汨拭目俟之矣

門

南曰舜田後改歷山東曰齊川西曰灤源北曰會
波東西南有重關而北爲水門每歲啓以季春
閉於孟冬其門南居中東偏北西偏南北偏東
西去南近東去北近故諺相傳爲四門不對云
東南二甕城各設子門二名放軍門壬申葉憲
副大受毅然塞之夫古人建置良有深意卒然
有警修復惟艱君子
所以貴舊貫之仍也

樓

南城前後各一巍峩軒敞屹然大觀東西城如之

北城惟一四隅各一而東南城勢偏狹迺委折
以因其勢上有九峯俗名三角樓又名九女樓
結構天然製自名手南城迤西爲觀風樓西迤
北東迤南東迤北各一凡一十四座東西南敵
樓各一其南諸樓遠眺羣山廣睨萬畝獨踞一
方之勝其東諸樓俯瞰三齊遙觀出日顏其額
一曰永安一曰鎮海其西諸樓傍挹趵突直聳
黃崗民廬錯列羣波環縈昔年樓中貯砲自鳴
因額曰先聲如雷又後額曰拱辰至於北樓下

踞大明湖俯臨會波橋南瞻函歷之雲嵐北醉
嵒華之煙雨外則秧鍼刺水萬畝雲屯內則桂
棹泝波千頃繡列顏曰河山一覽洵勝地也
殘止餘三四西南又經砲災目今經營伊始南
樓規制勝前次第修葺光復舊制衛國忘亡拜
諸臺之賜匪渺矣

舖

舖與旗相兼內有衛軍直宿夜則千百巡視晨則
赴各該司迴風共計五十有五座

敵臺

共一十三座宋中丞應昌創建崇禎庚辰又於西
北增置四座

梁口

共三千三百五十個崇禎丙子戊卒數請遂有併
梁口之役滅竈示怯大失古制戊寅砲眼難運
復有鋸梁口之役震烈致猝亦非良策武備志
云仍舊旣礮砲眼盡更又難猝辦不如令埴工
因勢爲模隨廢漸易誠爲便利也

馬道

南城二門內外各一皆在東東城二門內外各一皆在南西城二門內一在南北城內一在東凡

五處

崇禎己卯創設
一處在撫院前

磚陂

城以石爲趾磚爲膚土爲骨濶凡五丈近內者多陂上覆以甃各三尺許所以防水潦之浸灌也戊寅築望臺修炊灶猝難給辦取資於甃過半事平時詘未盡興復夫一蟻之微可以潰堤及

其摧圯費倍而城復不堅何惜運甃之勞不爲未雨之防也

旗臺

共五十五座旗因方色竿皆長梳

官廳

門各二座惟北門止一座皆四楹

砲樓

門各四座惟北門止二座皆貯銅百子鏡一尊

藥局

惠民藥局東西南三門各二座

橋

東西南三門各有弔橋有警則引絙樓上縲繆甚

固西門橋外復有濼源橋

排柵

東西南三門外皆列排柵非獨美觀亦以防行人

冗塞恐致覆溺也

隍

列陣以下皆有護隍東方高聳北方寬衍廣至數

丈近遂環水建演武場東西各一

西城至南城舊皆闕弁半

利市為民居無慮數百家相沿數十載戊寅警逼而去之民大鞅望庸人見小不為遠謀今毀故垣徧築女牆後之君子慎無信小人漁利之謀因緣復築令滋蔓之難圖也

瓮城

瓮城原以貯軍勢宜寬廣西城建廟踞三之一餘

復列為市塵危警必至拆之又以歛怨何愛數

塵之息不為徙薪之計至南為正門建廟植楊

雖愚卒崇神之意實全城風氣所關遷其廟而

伐其樹無再計矣

封建

濟南跨溟拱岱原平流清河濟之間亦一都會也
相傳平陵為帝乙所都不足深辯惟是譚子肇封
漢唐皆以親子弟王之

朝剪桐歷下世有令聞河間東平不能擅美前史矣

周封譚國

子爵按詩碩人篇稱譚公惟私大東詩序稱譚大夫作此以告病則春秋初譚國猶

盛魯莊公十年齊桓公滅譚子奔莒漢以名邑唐以名州今以名驛

漢封臺侯戴野

高帝六年封東郡戴野為臺侯

封濟南王辟光

高帝微時外婦之子肥六年封為齊王二傳無嗣國除文帝憐悼

王適嗣乃分齊為六國盡立齊悼惠王子列侯見在者六人為王其三勃侯辟光為濟南王都東平陵十六年進封食東平陵鄒平臺梁鄒士鼓於陵陽丘般陽管朝陽歷城莒著宜城十四縣孝景三年坐同吳楚反伏誅國除地入於漢為都

封平陵侯蘓建

建以都尉從大將軍擊匈奴封平陵侯一千戶後坐敗師免

封營平侯趙克國

本始元年以定策封營平侯

東漢封濟南王康

建武十五年封濟南公復為王就國以平原之祝阿安德朝陽平昌

潞陰重丘六縣益濟南國卒子簡王錯嗣卒子孝王香嗣香篤行好經書初叔父篤有罪不得

封西平昌侯昱作法失侯香乃上書分爵土封篤子丸昱子嵩皆為列侯卒無子國絕永建元

年順帝立錯子阜陽侯顯為嗣是為釐王三年卒子悼王廣嗣卒無子國除

晉封濟南王遂

字子伯宣帝弟魏鴻臚丞恂之子也仕魏累遷冠軍將軍武帝受禪封濟

南王泰始二年薨謚曰惠二子耽緝耽嗣立咸寧三年徙王中山薨無子緝繼成都王穎以為

建威將軍與石熙等率眾拒王浚歿於陣無子國除

封濟南王固

吳敬王晏四子祥鄴固衍鄴卽愍帝固初封漢王改封濟南

北魏封濟南王麗

建寧王崇之子興安二年正月封後京兆王杜元寶謀反麗為所引

父子各賜死國除

封濟南王羅拔

先封濟南公承明元年進爵為王七年又改封為趙郡王卒謚曰康

封濟南王慕容白曜

皇興元年崔道固以暨城叛歸宋魏詔白曜討之曜築長

圍以困固力詘出降遂進爵為濟南王皇興四年以寬誅

封濟南王昌

臨淮王潭之子宣武時襲封臨淮王未拜而薨贈齊州刺史謚曰康王遂

改封濟南王子彧紹封濟南盧思道謂史部清河崔休曰安豐少於造次中山皂白大多未若

濟南風流寬雅

封歷城子韓子熙

麒麟子普泰初除通直散騎嘗侍撫軍將軍光祿大夫尋正吏

部郎以奉冊之故封歷城縣開國子食邑五百戶

北齊封濟南王殷

顯祖文宣皇帝長子天保十年嗣位乾明元年八月壬午太皇太后

廢帝為濟南王食一郡以常山王演入篡大統皇建二年勒王居晉陽望氣者曰鄴城有天子

氣帝恐濟南復興遂密行鳩毒濟南不從乃扼殺之後頗愧悔及墜馬絕肋太后視疾問濟南

所在者三帝不對太后怒曰殺去耶不用吾言死其宜矣帝尋不豫親見文襄為祟而崩

隋封濟南公柳敏 開皇元年受封

唐封濟南王祐 字贊武德八年王宜陽又王燕已乃王齊領青州都督貞觀十一年歸國

後狎昵羣小帝用權萬紀繩佑祐輒支解萬紀遂舉兵叛帝詔李勣討之送京師賜死內侍省

除國

元封濟南王也只里 至元二十四年封

封濟南公張榮 榮以戰功累封濟南公事在中統二年詳見人物志

國朝封歷城侯盛鏞 燕師南下銳不可當而濟南之解東昌之捷皆鏞功也以建文

三年受封後暴卒

封德王

莊王

英廟之子

睿廟之庶兄天順元年封濟南成化三年之國正德

十二年薨謚曰莊 王崇儒重道憂國愛民精詩賦工丹青孔子杏壇像併贊

皆屬睿翰毫丕與外事故稱賢

懿王 莊王子

懷王 懿王子

恭王 懷王子

定王 恭王子

端王 定王子遵訓守禮謙恭孝義通翰墨嫻弧
矢著訓後七十二事撫按交薦

詔建坊以褒異之

嗣王 端王子儉樸好佛崇禎己卯蒙 難嗣子

六歲殤

上命紀城府進爵為德王 庚辰六月十日冊封

郡王

泰安王 莊王庶長子

濟寧王 莊王庶子無嗣

歷城王 懿王庶子無嗣

東平王 懿王庶子無嗣

臨胸王 懿王庶子

高唐王 懿王庶子無嗣

寧海王 懷王庶子

臨清王 懷王庶子無嗣

堂邑王 恭王庶子無嗣

利津王 恭王庶子無嗣

安陵王 定王次子無嗣

紀成王 定王第三子傳二世進封德王

嘉祥王 定王第四子

清平王 定王第五子

永年王 端王次子早薨

寧陽王 端王第三子無嗣

將軍共七位

公署

彈丸黑子之邑鋪張縣治何嘗夜郎不知漢戈歷
既倚郭會城則

藩封列署不附諸歷將奚附耶况此官亭解宇其
塗而茨者歷令之經始也其畚而鍾者歷人之營
繕也其跋而翼翬而飛者歷土之鉅觀也風有作
宮作室雅有攸寧攸躋居其居事其事尚亦懋乃
職哉

德府 濟南府治西居會城中占十之二三 成化二年建

泰安府 西門內 臨胸府 西門內

寧海府 南門內 舜廟東 臨清府 尹家巷

紀城府 縣庠西 嘉祥府 府館街

清平府

嘉祥府西

寧陽府

寧海府東即舊安陵府

長史司

左右各一

典簿廳

審理所

正副各一

紀善所

正副各一

典寶所

正副各一

典膳所

正副各一

典儀所

正副各一

奉祀所

正副各一

工正所

正副各一

良醫所

正副各一

儀衛司

正副千戶各一典仗二人

羣牧所

正副千戶各一鎮撫一百戶十

人總旗四人小旗七人以上俱王府前

廣受倉

大使一人

廣受庫

大使一人俱府內

巡撫都察院

城西南隅成化元年建

正德二年燬于火八

年趙中丞璜重建萬曆間改督撫軍門崇禎戊寅又燬于火額中丞繼祖市民居而益廓之吏廨皆易以樓未及落輒經庚辰巡撫王公諱國賓重修

巡按察院在府治東歷山頂明洪武三十年建

大清順治十七年裁十八年設總督改為總督衙門

康熙三年復裁總督五年改為提督署二十一年

提督復裁三十七年改為濟東道署僉事宋

廣業重修四十四年

聖駕南巡舟次濟寧

御筆親題北萱映綵四大字

賜食事宋廣業之母管氏時年八十有一又

賜宋廣業牡丹詩 晨葩吐禁苑花時就新晴玉版

叅仙葢金絲雜綠英色含潑墨發氣逐彩雲生

莫訝清平調天香自有情 又

賜書畫扇二柄扇面

御製船窓對月小飲詩 皎潔朧朧向晚明鮮雲細

雨過帆輕上樽空設原非飲梅賦無花句亦成

媚景依然鋪錦甸晴光更與助桃笙隔 酒市

迎流近轉峴遙聞笑語聲

扇後

王徽
銘書

廣業建

立

御書碑亭於署之西偏亭後忽得不置泉有記入山

水志

清軍察院 縣治北成化十二年建

巡鹽察院 清軍察院東嘉靖三年建

山東等處承宣布政使司 府治西北洪武九年

自青州移于此

天順四年重修學士彭時記已
卯年燬方伯周公應期重建

經歷司

正堂
左

炤磨所

正堂
右

理問所 儀門外西

司獄司 理問所西

廣儲庫 理問所南

糧儲道 大門內東

東充道 糧儲道東

海右道 東充道東

分守濟南道 貢院東時駐泰安

山東等處提刑按察司

府治東洪武中建亦青

州移于此

成化中重修學士商輅記庚辰憲長蔡公懋德重修

經歷司 正堂左

照磨所 正堂右

司獄司 儀門外東

知事廳

驛轉道 司之南

提學道 舊在塔行街張江陵時改湖上

濟南兵巡道 司之南

山東都指揮使司

府治迤西成化二年建 崇禎己卯

燬都闡季公國祚重建

分司 塔巷街 一在塔廟西

經歷司

斷事司 俱司二門西

都轉運鹽使司

府治東洪武元年建

濱樂分司 運同知

膠萊分司 運判官

經歷司

知事廳 俱司內

濟南府

居城之中近南 舊治改為按察司洪武初崔太守亮建危素記

崇禎己卯燬太守張公夬重修

清軍廳 府堂東北隅

糧儲廳 府西

馬政廳 府堂西崇禎

理刑廳

府堂東有坊曰平衡齊魯已卯之亂一堂之外俱經煇司理丘公祖德獨俸重建

經歷司 府堂

炤磨所 刑廳

司獄司 二門

稅課司 府治西崇禎初裁

廣豐廣儲倉

城東南隅上有石額濟南府豐儲二倉上有樓額曰東齊司命

譚斌馬驛

西關北五里舖內有皇華公署自書院改為郵亭驛遂鞠為草莽矣

遞運所 擇石橋

陰陽學 布政司西

織染局 府治西

醫學 府治

僧綱司 正覺寺

道紀司 城隍廟

濟南衛 舜廟西洪武十九年建

五千戶所

鎮撫司

經歷司 俱衛

參將府 府館

五府公署 四牌坊

歷城縣 南至濟南府北至巡鹽察院東至塔行

街西至東華門

大堂六楹顏曰愛牧堂東庫房四楹左右吏舍各十六楹堂前

戒石亭亭前儀門四楹儀門兩腋為角門東角門外為土地祠西角門外為寅賓館館有額曰

大賓館門西有獄獄中有廣生室獄神祠草舍十楹獄南為倉儀門外為大門四楹門內有收

糧房門外有屏傍有舖堂後有退堂有衙舍有內書房堂西為西書房又西為清軍衙又西為

水利衙今裁又西為管糧衙又西為巡捕衙凡五衙崇禎已卯燬

宋令公祖法捐俸重建

歷成縣志 卷三 公署 友聲堂

煥然改觀有新城王公象晉碑記見藝文志

龍山鎮馬驛 城東七十里

堰鎮巡簡司 城東北二十里

灤口批驗所 城西北十三里

縣倉 按察司街西

貢院 布政司後洪武初建 成化十九年重修嘉靖元年重建至公堂

大學士劉翊記崇禎己卯燬 諸臺重建

武場 南門外二里 楊中丞俊民創建軍舍御史熊相記見藝文志

南營公署 武場西

總局 縣庠東

城隍廟官廳 廟東 官員到任朔望行香多駐此

舜廟官廳 廟東凡遇

聖壽元旦冬至各官舜廟習儀皆駐此

里社

祖制十家為甲十甲為里里置十長分統百家丁出於斯賦出於斯洵良法也災亂相仍逃亡遷移民無恒態或甲存而家不滿十里在而戶不滿百豐大之里時或踰制于特大至千家小或數姓比而同之勢不能也歷下南盡山墅北多水村東西皆沃野相友相助頗有古風獨怪邇來民疲征繕村

舍蕭條無復擊壤之樂矣雖然天道無往不復人事有廢必興吾亦志其盛者焉爾

里 凡九十有八

一坊一至三

二坊一至三

三坊一至四

四坊一至四

南保一至五

北保一至五

東關一至三

桃園一至三

堰頭一至七

清河一

鵲華一至八

仙臺一至七

閔孝一至五

南會清一至三

北會清一至三

南保泉一至三

北保泉一至二

安平一至五

南綺園一至三

北綺園一至三

明賢一至十七

村墅

大小九日有奇茲惟大書古鎮名莊餘各以近類附風土間標其尤他不悉錄

龍山路

風土不一皆號沃壤

七里舖

城東七里土沃水淺俗勤灌溉東新店祝店南小莊西接官亭北權富莊

八澗舖

東十三里風土同前東北張馬屯郭家莊北新莊西北小新莊

王舍店

東三十里地沃民殷南將官莊殷家莊西

韓倉

東四十里地沃水深南彭家莊西北胥家莊東北侯家莊

郭店

東五十里風土同前東曹家館南

十里舖

東六十里地沃水深俗多健訟東南盧家寨南于家莊西北王官莊耿家莊

龍山鎮

古鎮城東七十里土沃俗悍東山城莊東南大柳樹南大徐馬牛家莊西南鄭家莊

葫蘆坡西臺頭河五里堂

神武路

地亢賦輕民務本業

甸柳莊

閔子墓南三里東姚家莊南

險峪

閔子墓東十里東劉智遠廟東南草山嶺南孟家莊西丁家莊北神福寺院東北牛家莊

神武

城東五十里西南

張陵丘

龍岵山西東程家莊棠野東南宮莊東北何二莊

田家莊

鳳凰山前東潘家莊南牛欄峪西南蔣溝

劉海莊

十里舖西南五里東南方家莊西武家莊東北侯家莊東聶家莊盧官莊

營城路

土肥泉盛恒賜不災

楊家屯

王舍店西北三里東裴家營劉家莊南吳家店西張馬泊西北水坡北冷水溝

梁家莊

裴家營東北東路家窪東南毛莊西南路家莊西紙房西北孫家衛

填子屯

沙河東五里東馬家莊東南曲家莊南灘頭北桃園東北金口

杏園屯

路家窪東東方家莊南皮家莊

沙河路 地脉鬆肥 產饒果蔬

沙河鎮 城東北二十五里東朱家莊西王家閣西北劉姑店北沙河店

朱家橋 沙河西北三里東蕪家溝西北田家莊北蔡家溝

虞山路 地沃宜麥 水淺宜蔬

董家莊 虞山西北三里東韓家莊徐家莊西邢家窪北新屋頭

曹官莊 曲家莊東東崔家莊東南趙家屯南江家莊西南呂家莊林家莊西許家莊簡家屯

潘家馬頭 曲家莊北東南船流渡東營裏東南石家柳樹

巨冶河路 風土不一 皆稱沃壤

唐王渡口 城東北六十里地沃水淺俗勤稼 團東張家莊王家坡西王家莊

城子莊 唐王渡口東東全節河南袁家莊西段家莊

溫家莊 十里舖北東北甄家莊三官廟西呂家莊北時家莊

張兒莊 唐王渡口西南東楊家莊程家巷西季家寨北王浩莊

遙牆鎮 東北五十里地多嫌白俗務織紡西南舖馬李家莊邢家渡西北馬官寨北郭兒莊

鴨王口 遙牆東七里東張家莊東南陳家園北朝陽莊東北太平莊

橋頭 鴨王口東五里西北柴家莊丘家莊北張家園東北郭家莊

周官店 王家坡北風土同唐王渡口東傅家莊南紙吳莊西韓家莊顏家莊

奉先城路 地沃水淺 民務本業

樊家莊 崔家莊西北三里東元家莊徐家莊西岳家寨西北殷千戶莊

劉良務 李官莊西北西崔家莊
南輝李莊北郝家莊

李官莊 黃桑院東北東喬家莊
南蕪家莊西北胡家莊

婁家莊 老僧口西地鹵宜綿東康家莊西南韓官
莊船流道口西北徐家寨東北單家莊

平陵城路 地沃水涼
俗多麤悍

權家莊 平陵南三里東省莊南侯李莊西南丁家
莊西果家莊西北大官莊東北曹家莊

畢楊莊 平陵東南三里東斜溝東南張郎莊
西北嚴家莊北公鈕二莊城角頭

新店 平陵東四里東南丁王莊南小莊楊家岡西
南窪裡舖西高兒莊北何家莊東北李家莊

城後 平陵北二里西為小城後崔家莊
西北馮家莊北干家莊党家莊

黃桑院 党家莊北二里東甄家莊宋家布師家莊
大桑樹東南石家莊薄羅林四周王莊

王野戶 全節河東南南田家莊南婁家四戶
家四戶孫家四戶西南柿子園北藍家莊

白雲湖路 地近東鄙
俗尚鬪訟

石家鎮 白雲湖南岸地沃近水民業荏蒲
南火把莊西南西溝頭東娥女溝

索家馬頭 白雲湖東南西楊家
莊邊湖莊湖邊莊

老僧口 白雲湖西岸東吳家寨南入戶西温流關
盧家莊北梨行嚴馬莊高官寨侯家寨

韓家馬頭 白雲湖北岸西聶家馬頭東張家馬
頭薛家馬頭高橋鄭深馬頭趙官橋

靠河林 高橋西北三里西齊家莊李家
馬頭東魏家莊鳳凰莊范家莊

傅家莊 老僧口東北十里地嶽土白西力士莊東
北驟鈴莊張家林東安家莊托寨架寨

函山路 地多磽瘠
民資樵採

十里河

城南十二里地亢無水東周家土屋黃泥溝南分水嶺西南康兒莊西九曲里北八

里窪東北

龍窩

城西南十五里雖屬山村猶稱沃土

王官莊梁家莊東南七仙莊西南井家溝西魏花莊西北袁劉莊

展村

甲山西五里地沃水艱南邵兒莊西北岳家莊北文莊東南吳家莊

大澗溝

函山前地亢無水獨饒柿利東黃路線東南侯家莊南兩仙溝西西仙莊

泉瀘

函山東南南東窩舖駱駝蹄東南雙井峪南碾子溝西南時家莊西兎石窩

寨兒頭

中宮西十五里東朱家莊左兒莊東南楊兒莊南宅科西渴馬崔家莊東北石灰溝

火關

函山東北地瘠有井民多穴居東北齊家峪大嶺莊東南白土岡西北花山峪

錦雲川路

地有肥饒風皆淳厚

中宮鎮

古鎮城南五十里地沃民勤東郭兒莊南營兒西許家莊

旋風店

中宮西南十里地瘠山深民貧柴炭東黑線溝南勞泉北草溝

羅家園

太甲陵南五里南張家莊尹家店西南道溝北逆肚口東北馬家溝

薛家莊

楊廣寨東南易家莊北魏家溝湯家莊

出山溝

玉皇嶺西北東南傅家莊石屋南譚家莊聶家莊西南丘家莊北高兒莊孫家崖

錦陽川路

地宜果蔬山產柴炭

都泉

中宮東南十五里西門家莊東南龍崗咬杖石欄東柏崖坡裏

柳埠鎮

巨鎮都泉東十里東北神通寺湧泉庵西小莊東樞峪

蔡家莊

梨峪內北劉家莊嘗家莊東南武家栗樹南閻家河麗家莊蔚溝捺池

袁洪峪

齊城峪內北陡崖莊宋家莊東南黃草郎家莊南趙官峪白石崖西南李家莊雞窩

岱密庵

窩舖峪內北榭灘東怪子峪南劉家峪洪山口窩舖三岔昌家莊

龍門

龍門峪內東北葛家莊滴水東吳家溝石妖南紅廟綽溝西南澇峪桃科鎗桿西丘家莊

海螺峪

神通寺東東混裏東北井桶峪南乾窪

錦繡川路

土沃山秀民資柴炭

敖兒莊

中宮東十八里東南商家莊南孫家莊西稻池路家莊丘家莊楊家窪大佛寺

牛家莊

孤山東三里東蕭家莊東南白草灘西少微莊西北黃崖東北車川鈴鐺山

張家坡

牛家莊東東紙房南黃巾石屋茨子峪北石門潘家廠金剛鑽東北大水坑十八盤

西營

望米臺東二里東磅驢藕池南將軍堂南營西南羅疇西大黑峪榆口雲河

漬米峪

西營東北南嶺脚莊東苗窩棗林白炭窰西勾脚疇

歷山東路

地亢無水民俗淳樸

龍洞莊

城東南三十里東北老鼠溝漢王峪南鏡村西南上井西中井西北西廂峪下井

東務

東南五十里東北火路高家窪南兩河莊燕鵬窩東南黑龍峪西北西務北牛欄峪

龍灣

東務東南北大龍嶺南石嶺

城西路

地沃土潤民多樸厚

孫家關

標山西北三里東陳家莊林家莊南畢家窪黃家小西南侯家莊西盧家莊

劉七溝

藥山西北七里東南魏家莊沙王莊西北蔣家莊東北徐家莊

黃崗舖

藥山西南三里東田家莊東南滕家屯南堤口西南孟家莊西北羊腎

關家營

譚城驛西二里東瓜王莊棗林

段店

城西南十五里地沃水淺民治瓜蔬東大槐樹新莊南紅廟西南朱家莊西北小屯殷馬

莊北嚴千戶莊老屯

北灘路

池圃所產魚粳蔬蕪

白鶴書院

城北三里東南劉家井南趙家莊西南殷家莊衛開西北楊家莊邊家莊

董家莊

厲壇東北東柳行頭西南陳家樓西黃家橋邱家莊北尚家莊何家莊

劉家橋

府開西東王家莊西北段家莊賈家莊

雲莊

老鶴橋東北東水屯南臧家屯東北許家水村

黃臺路

地多嫌白俗尚儉樸

韓家店

黃臺東北西北陳家莊東北菜園洪家園

張家莊

黃臺西東魏家莊西徐家莊北致家莊東北宋家莊

大清河路

居多商賈民倚魚鹽

濼口鎮

古鎮城西北十二里西尚家林紙房桃園東北喬家莊蘓家莊于家莊張除家窩小

街彌陀寺解家莊史家莊邢家渡新開口周家莊張侍渡丘家園老兒灣青錢趙家莊任家岸

濼口南岸

西魯家莊丁家莊東北馬家莊趙家莊姬家莊元家莊蔣家莊路家莊張家莊

堰頭鎮

城東北十八里東北傅家莊雲家莊何趙園清河寺陳家園孟家園楊令史渡口秦

家渡王家莊姚家莊滄溝沙灘

嵒華路

地多嫌白俗稱質樸

甜水井

崞山西北五里南時家莊西
土二鎮范家莊北郭家莊

焦家集

崞山北十里東車王莊
南吳家莊西南孫家莊

八里莊

崞山東北五里東杜家莊
南趙家莊西南陳家莊

倪家莊

華不注西北八里南馮家
堂西王家莊北韓家莊

香王店

倪家莊東北四里南
劉家莊西北胡家莊

懷家窪路

地近廣斥
俗尚儉樸

史家塢

堰頭東北二十里西南程家莊西蔡家
莊西北鄧官寨北曹家莊東北范家舖

孫家鎮

鄧官寨西三里東南崔家寨南姚趙家店
薛家營西北路家寨東北油房趙家莊

清寧寺

鄧官寨西北四里東南牛家莊西李
家莊萬家莊西北蒯家莊謝家莊

大柳樹

任家岸西南七里東周家
莊北王家河溝猪毛店

韓家莊

史家塢北東趙家莊西
萬家莊北黑槐劉家莊

丁家屯

懷家窪中南雙廟西南姚
家店西祝家莊張公店

吳波店

丁家屯西南東北谷家
莊南靳家莊西椿家營

小寨

焦家集西北七里東邢家店西
北盧家莊孫家莊東北高家莊

宜涼店

路家店南三里東尹家店東南賈家
莊南徐家店北魏家莊東北董家莊

孔家莊

彌陀寺北四里西南
孟家莊西北崔家莊

衢市

歷下衢街逶迤市廛布列采而志之余創也烏衣

巷口王謝貽名柳市南頭右丞訪隱躡屨近晏嬰之市車馬喧雜陽之街王政辟塗有司治市殆亦政之大者哉是曷容以無紀

街

南門內大街

濟南府大街

東為歷山頂

東門內大街

按察司街

西門內大街

會波街

北門

布政司街

賈塵錯列亦歷下之莊嶽

衛前街

南門西顏中丞繼祖重修

府館街

東為榜棚後

南三府街

縣廟

百花橋街

德府後

北察院街

鐘樓寺街

學道南寺毀樓存俗仍其名

嵒華橋街

塔行街

縣東

四牌坊街

布政司東

太平寺街

西門內北又北為小倉

靈官廟街

布政司西

南門外大街

南關大街

東東嶽廟西山水溝

趵突泉大街

西抵捍石橋又西靈官廟乃西南孔道

東門外大街

東府孔道

後街

東門外北縣孔道

西門外大街

丁字街

西關又南為城頂

菜市街

西關北為北小門迎仙橋西北孔道

廣會橋街

趵突泉北

土街 長春觀西
又南斜街

司街 南為所街又南半
邊街東南為捨房

巷

衛巷 濟南
衛西

杜康泉巷 舜廟
西

番官巷 寧陽
府東

尹家巷 縣治東又
南為倉巷

城隍廟巷 尹巷北又北
為五喇麻巷

胡千戶井巷 縣治
北

苗家巷 東門內
迤南

石灰巷 北察
院東

二郎廟巷 兩隅頭
西北

茶巷 府學
前西

貢院巷 西牌
坊北

劉皇親巷 布政司
街路東

總憲坊巷 布政司
街路西

高都司巷 太平寺
街東

券門巷 南
關

孟家巷 東
關

船巷 西門外世
名東流水

五龍潭巷 船巷
西

篦子巷 西門
外南

剪子巷 篦巷
西

神堂巷 剪子
巷西

大庵巷 長春
觀前

曹家巷 廣會橋
東北

養濟院巷 城頂
西

柴家巷 丁字
街西

太湖石巷 柴巷
西北

冉家巷 郝家
巷東

郝家巷 柴巷
南

乾麪巷 東西
街南

禮拜寺巷 城頂
南

豆腐巷 東西
街東

倉巷 城頂
南

營

東營 東轡 關東

西營 馬跑 泉東

後營 東門內北昔 爲武場故名

南營 武場西皆南兵所 居亦名小教場

回營 捍石橋東皆 色目人所居

市

糧市 丁字街輪輻雲集貿易無 虛日南東門外皆遜西市

菜市 迎仙 橋東 菓市 東門外然菓 店獨盛於西

藕市 五龍 潭南 柴市 廣會 橋西

炭市 三關有六 西居其四 石炭市 三關 各一

筐市 丁字 街北

馬市 城 頂

集

龍山 中宮 灤口 堰頭

柳埠 老僧口 王舍店 神武

十里舖 遙牆 田家莊 西營

梁家莊 填子屯 沙河 董家莊

潘家馬頭 唐王渡口 鴨王口 管裡

橋頭 劉良務 李官莊 石家鎮

索家馬頭 侯家集 何趙圈 韓家馬頭

鄭深馬頭

傅家莊

焦家集

史家塢

孫家鎮

清寧寺

牛家莊

魏家莊

驛舖

濟南屬皆種馬歷以衝煩特免獨是東西二驛疲於奔命既往既來使我心疚自昔而已然矣王季木云周道蕭蕭仍古驛幾人能誦小東詩蓋傷之也至於書院移為郵亭遞舖儼為民舍君子過之不能無餽羊之思焉

驛

譚城馬驛上衝府轄而應役多出於歷

正馬三十 二匹歷城

編驢十頭舖陳銀五十八兩俱歷城編支銷銀三十兩歷城編省城駐劄衙門坐支銀一千四百七十七兩歷城等十三州縣編崇禎戊辰呂令公黃鍾白上臺灘派闔屬民力稍蘓至今德之

龍山馬驛下衝 正馬十五匹副馬十三匹驢六頭內撥副馬四匹驢一頭幫章丘走遞車夫五十名內徵銀夫十名該縣貯庫以上章丘舖陳銀十八兩歷城編庫子二名歷城編內摘銀十二兩編僉舖陳庫子一名館夫二名長山編支銷銀二百三十一兩歷城編

舖

總舖

布政司前鼓樓下內有亭結構奇特時匠不敢更修今門垣頽廢矣司二名兵十八名

七里舖

城東七里司一名兵四名

八澗舖

城東十二里司一名兵四名

王舍店舖

城東三十里司
一名兵四名

韓倉舖

城東四十里司
一名兵四名

郭店舖

城東五十里司
一名兵四名

十里舖

城東六十里司
一名兵四名

龍山舖

城東七十里司
一名兵四名

平陵舖

城東七十五里司
一名兵四名

九里山舖

城東北三里司
一名兵四名

堰頭舖

城東北十八里司
一名兵三名

張侍舖

城東北二十五里司
一名兵三名

葛莊舖

城東北三十里司
一名兵三名

五里舖

城西五里司
一名兵六名

匡山舖

城西八里司
一名兵四名

段店舖

城西南十二里司
一名兵四名

歷城縣志卷三止